

## BERITA

# Seminar kongsi tip galak anak fasih berwibahasa

► NUR FATHIN AWALLUDIN  
nfathin@sph.com.sg

USAHA menggalakkan penggunaan dwibahasa di kalangan anak-anak kecil hari ini mungkin suatu yang bertambah sukar.

Apakan tidak, ramai kanak-kanak hari ini lebih terdedah kepada penggunaan bahasa Inggeris – semasa di sekolah, ketika menonton televisyen, ketika menggunakan alat teknologi untuk bermain permainan, malah di rumah, ketika berinteraksi dengan ibu bapa.

Yang lebih 'menyukarkan' keadaan, ramai ibu bapa muda hari ini, walau akur akan kepentingan berdwibahasa, mendapati agak mencabar untuk menggalakkan anak-anak kecil mereka menggunakan dua bahasa (atau lebih) dengan fasih kerana mereka sendiri lebih selesa berbahasa Inggeris.

Demi membantu lebih ramai ibu bapa yang mempunyai anak-anak yang masih dalam prasekolah membimbing anak mereka menjadi pengguna dwibahasa yang baik, *Berita Harian* (BH) dan Yayasan Mendaki akan menganjurkan dua webinar berkaitan topik tersebut.

Webinar pertama 'Mendidik Anak Berdwibahasa', akan berlangsung pada Ahad, 7 Februari ini.

Panel pakar dalam webinar itu, Pensyarah di Institut Pendidikan Awal Kanak-kanak (NIEC), Dr Raudhah Yahya, dan Profesor Madya Rokhsana Bibi Abdullah dari Bahasa dan Budaya Asia, Institut Pendidikan Nasional (NIE), akan membincangkan kepentingan kemahiran dwibahasa dalam pembangunan holistik anak-anak.

Mereka juga bakal berkongsi strategi yang boleh membantu ibu bapa memainkan peranan di rumah untuk menggalakkan penggunaan dwibahasa.

Webinar tersebut, yang akan dikendalikan dalam bahasa Inggeris, diadakan secara percuma melalui wadiah Zoom.

Mereka yang berminat hanya perlu mendaftar dengan melongsuri [bit.ly/BHDwibahasa](http://bit.ly/BHDwibahasa) atau mengimbas kod QR yang tertera (dalam gambar).

Bahagian kedua webinar anjuran BH dan Yayasan Mendaki ini, yang bakal diadakan pada Rabu, 24 Februari 2021, dikhususkan kepada para pendidik prasekolah pula.

Maklumat lanjut akan diumumkan kelak.

Kedua-dua webinar tersebut dianjurkan dengan kerjasama NIE, NIEC dan Perikatan Karyawan Prasekolah Mendaki (MAPF), dengan sokongan Dana Kedwibahasaan Lee Kuan Yew.

## mendidik anak berdwibahasa

Raising bilingual children

Seminar bincang peranan ibu bapa dan manfaat berdwibahasa

**7 Februari 2021**  
Ahad, 10.30 pagi  
Wadah: Zoom



Imbas kod QR atau longsuri <http://bit.ly/BHDwibahasa> untuk daftar sekarang!

**PERCUMA!**

Seminar ini dikendalikan dalam bahasa Inggeris  
This seminar will be conducted in English



**Dr Raudhah Yahya**  
Pensyarah,  
Institut Pendidikan Awal  
Kanak-Kanak Nasional (NIEC)



**Dr Rokhsana Bibi Abdullah**  
Profesor Madya,  
Bahasa dan Budaya Asia, Institut  
Pendidikan Nasional (NIE)  
Universiti Teknologi Nanyang (NTU).

Anjuran



Dengan kerjasama



Dengan sokongan

